

29 января 2026.

Поклонение честным веригам ап. Петра

Вечерня (приходская)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь. Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облеклся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море ве-

лѣкое и прострѣнное, тамо гѣди, ѣмже несть числа, живѣтная малая с великими, тамо кораблѣ преплѣвают, змий сей, егѣже создѣл еси ругѣтися емѣ. Вся к Тебѣ чают, дѣти пищу им во благо время. Дѣвшу Тебѣ им соберут, отвѣрзшу Тебѣ руку всяческая исполнятся благодости, отвращшу же Тебѣ лице, возмѣтутся, отѣймеша дух их, и исчезнут, и в персть свою возвратѣтся. Послѣши Дѣуха Твоегѣ, и создѣдутся, и обновѣши лице земли. Бѣди слава Господня во веки, возвеселѣтся Господь о дѣлах Своих, призираѣя на землю, и творѣя ю трястѣся, прикасѣяся горѣм, и дымѣтся. Воспою Господеву в животѣ моем, пою Богу моему, дѣндеже есмь, да усладѣтся Емѣ бесѣда моя, аз же возвеселѣюся о Господѣ. Да исчезнут грѣшницы от земли, и беззакѣнницы, ѣкоже не бѣти им. Благословѣи, душѣ моя, Господа.

Сѣлнце позна запад свой. Положил еси тму, и бысть ночь. Яко возвеличишася дѣла Твоя, Господи, вся премѣдростию сотворил еси.

Слава Отцѣ и Сѣну и Святѣму Дѣуху, и ныне и прѣсно и во веки веков. Амѣнь. Аллилуѣа, аллилуѣа, аллилуѣа, слава Тебѣ Боже *(трижды)*.

Ектенія великая

Диакон: Мѣром Господу помѣлимся.

Лик: Господи, помѣлуй. *(на каждое прошение)*

Диакон: Пресвятую, Пречѣстную, Прѣблагословѣнную, Славную Владѣчицу нашу Богородицу и Приснодѣву Марѣю со всеми святѣми помянувше, сами себѣ и друг друга, и весь живѣт наш Христѣ Богу предадим.

Лик: Тебѣ, Господи.

Священник: Яко подобѣет Тебѣ всякая слава, честь и поклонѣние, Отцѣ, и Сѣну, и Святѣму Дѣуху, ныне и прѣсно, и во веки веков.

Лик: Амѣнь.

Стихиры на «Господи, возвах»

Канонарх: Глас 4, Господи, возвах к Тебѣ, услыши мя.

Лик: Господи, возвах к Тебѣ, услыши мя./ Услыши мя, Господи./ Господи, возвах к Тебѣ, услыши мя:/ вонми гласу молѣния моего,/ внигда возвати ми к Тебѣ.// Услыши мя, Господи.

Да испр́авится моли́тва моя́,/ я́ко кади́ло пред Тобо́ю,/ воз-
дея́ние руку́ моёю/ же́ртва вече́рняя. // Услы́ши мя, Го́спо-
ди.

ап. Петра на 6

На 6, стих: А́ще беззако́ния на́зриши, Го́споди, Го́споди, кто постои́т? /
Я́ко у Тебе́ очище́ние есть.

Преле́сть связа́л еси́, по Го́споде вя́жемь,/ и в темни́це,
апосто́ле, заключа́емь./ Те́мже тя любóвию почита́ем/ и
ве́рою вери́ги облобыза́ем твоя́:/ от ни́хже почерпа́юще
здрáвие телесе́ и души́ спасе́ние,/ по до́лгу восхваля́ем тя,
Богови́дче, // безплóтных собесе́днице.

Стих: Имене́ ра́ди Твоего́ потерпéх Тя, Го́споди, потерпé душа́ моя́ в
сло́во Твое́, /

упова́ душа́ моя́ на Го́спода.

Преле́сть связа́л еси́, по Го́споде вя́жемь,/ и в темни́це,
апосто́ле, заключа́емь./ Те́мже тя любóвию почита́ем/ и
ве́рою вери́ги облобыза́ем твоя́:/ от ни́хже почерпа́юще
здрáвие телесе́ и души́ спасе́ние,/ по до́лгу восхваля́ем тя,
Богови́дче, // безплóтных собесе́днице.

На 4, стих: От стра́жи у́тренния до но́щи, от стра́жи у́тренния, /
да упова́ет Изра́иль на Го́спода.

Тобо́ю ра́зум прие́млют неразу́мием одержи́мии,/ язы́ков
многосе́меннии ро́ди пе́рвее,/ ихже о́браз показа́, с высо-
ты́ носи́мь,/ сосу́д, внутрь́ вмеща́ющ вся́кое живóтно, апó-
сто́ле./ Те́мже всяк ты во́зраст сла́вит,/ покланя́ясь, я́же но-
си́л еси́, вери́гам, // за Христа́ усерднейше.

Стих: Яко у Господа милость, и многое у Него избавление, /
и Той избавит Израиля от всех беззаконий его.

Тобю разум приемлют неразумием одержимии, / языков
многосеменнии роди первее, / ихже образ показа, с высо-
ты носимь, / сосуд, внутрь вмещающ всякое животное, апо-
столе. / Темже всяк ты возраст славит, / поклоняяся, яже но-
сил еси, веригам, // за Христа усерднейше.

На 2, стих: Хвалите Господа вси языцы, /
похвалите Его вси людие.

Егоже отверглся еси, судима, / воставша воспел еси из
мертвых, апостоле, / и проповедал еси в концех мира, / Бо-
га же и Человека, / благодатию многою земным приобщив-
шася. / Темже любовью ты блажим, Петре, / поклоняющася,
яже носил еси, веригам, // за Христа, преславне.

Стих: Яко утвердися милость Его на нас, /
и истина Господня пребывает во век.

Егоже отверглся еси, судима, / воставша воспел еси из
мертвых, апостоле, / и проповедал еси в концех мира, / Бо-
га же и Человека, / благодатию многою земным приобщив-
шася. / Темже любовью ты блажим, Петре, / поклоняющася,
яже носил еси, веригам, // за Христа, преславне.

Слава, глас 6:

Слава Отцу, и Сыну, и Святому Духу.

Днесь нам основание Церкви, / Петр – камень веры /
предлагает честные своя вериги в душевное благочестие. /

29 января 2026. Поклонение честным веригам ап. Петра

Приидите вси, сия облобызаяюще,/ благохвальными песнями того увенчаем:/ радуйся, теплый веры поборниче,/ иже теплым разумом Христа исповедав/ и Сына Божия в дерзновении мнозем./ Радуйся, вселенная радование/ и Небесного Царствия ключарю,/ благодать подавай любовью ты чтущим/ и честные твои вериги облобызаяющим желанием,/ яко предстоя престолу всех Царя Христа,/ молитву твори о нас,/ совершающих память твою.

И ныне, глас 6:

и ныне, и присно, и во веки веков. Аминь.

Око сердца моего / воспущаю к Тебе, Владычице: / не презри малаго моего воздыхания / в час, егда судит Сын Твой миру, // буди ми покров и Помощница.

Вечерняя песнь Сыну Божию

Свете Тихий святых славы,/ Безсмертного, Отца Небесного,/ Святого Блаженного, Иисусе Христе./ Пришедше на запад солнца,/ видевше свет вечерний,/ поем Отца, Сына и Святого Духа, Бога./ Достоин еси во вся времена/ пет быти гласы преподобными,/ Сыне Божий, живот дай,/ темже мир Тя славит.

Диакон: Вонмем.

Священник: Мир всем.

Лик: И духови твоему.

Прокимен

В среду вечера, глас 5:

Диакон: Премудрость. Вонмем. Прокимен, глас 5.

Боже, во имя Твое спаси мя, / и в силе Твоей суди ми.

Лик: Боже, во имя Твое спаси мя, / и в силе Твоей суди ми.

Диакон: Боже, услыши молитву мою, внуши глаголы уст моих.

Лик: Бóже, во імя Твоё спасі мя, / и в сіле Твоёй суді ми.

Диакон: Бóже, во імя Твоё спасі мя

Лик: И в сіле Твоёй суді ми.

В среду вечера. Глас 5



Бо-же, во и-мя Твое спаси мя и в си-ле Тво-ей су-ди ми.

Молитва при наступлении вечера

Чтец: Сподóби, Гóсподи, в вéчер сей без грехá сохранітися нам. /
Благословén еси́, Гóсподи Бóже отéц нáших, / и хвáльно и прослáвлено
імя Твоё во вéки, амінъ. /

Бúди, Гóсподи, мíлость Твоя́ на нас, я́коже упова́хом на Тя. / Благосло-
вén еси́, Гóсподи, научí мя оправд́анием Твоім. / Благословén еси́, Вла-
дýко, вразумí мя оправд́анием Твоім. / Благословén еси́, Святы́й, про-
светí мя оправд́ании Твоими́. /

Гóсподи, мíлость Твоя́ во век, дел рукú Твоёю не прéзри. / Тебé подо-
ба́ет хвалá. Тебé подобáет пéние, / Тебé сла́ва подобáет, Отцú и Сы́ну и
Свято́му Дúху, / ны́не и прісно и во вéки векóв. Амінъ.

Ектения просительная

Диакон: Испóлним вечернюю́ молітву на́шу Гóсподеви.

Лик: Гóсподи, помíлуй.

Диакон: Заступí, спасí, помíлуй и сохрани́ нас, Бóже, Твоёю благод́атию.

Лик: Гóсподи, помíлуй.

Диакон: Вéчера всегó соверш́енна, свята́, мíрна и безгрéшна у Гóспода
прóсим.

Лик: Подáй, Гóсподи. *(на каждое прошение)*

Диакон: Пресвяту́ю, Пречістую, Преблагословéнную, Сла́вную Влады́чицу
на́шу Богорóдицу и Приснодéву Марію со все́ми святы́ми помяну́вше, са́ми
себе́ и друг дру́га, и весь живóт наш Христу́ Бóгу преда́дим.

Лик: Тебѣ, Господи.

Священник: Яко благ и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебѣ, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Аминь.

Стихиры на стиховне

Октоих, глас 8, четверг

Канонарх: Глас 8, Господи, Тебѣ усердно на земли Апостоли возлюбивше

Господи, Тебѣ усердно на земли Апостоли возлюбивше, /
уметы вмениша вся, / да Тебѣ единого приобретут, / и за Тя
на раны телеса своя предаша: / сего ради прославлени
бывше, // и молятся о душах наших.

Стих: К Тебѣ возведох очи мой живущему на небеси, се яко очи
раб в руку господий своих, яко очи рабыни в руку госпожи своея,
тако очи наши ко Господу Богу нашему. /

Лик: дондеже ущедрит ны.

Господи, Ты Апостолов память на земли возвеличил еси: /
вси бо вкупе сошедшеся в ней славословим Тя: / яко пода-
еши нам тех ради исцеления, / и всему миру умирение мо-
литвами их, // и велию милость.

Стих: Помилуй нас, Господи, помилуй нас, яко по многу исполнимся уничижения: наипаче наполнися душа наша поношения гобзующих. /

Лик: и уничижения гордых.

Аще кая добродетель,/ и аще кая похвала подобает святым:/ мечем бо преклониша выи, Тебе ради преклоньшаго небеса и сошедша: пролияша крови своя Тебе ради истощившаго себе, и зрак раба приемша: смиришася даже до смерти, нищете Твоей подобящися: ихже молитвами, по множеству щедрот Твоих, Боже, помилуй нас.

Слава, глас 6:

Слава Отцу, и Сыну, и Святому Духу.

Паки нас теплый предстатель совоздвизает к духовней трапезе,/ Петр – камень веры,/ честныя своя вериги предложив нам,/ якоже снесь многоценну,/ недугов во врачевание,/ скорбящих во утешение,/ в пристанище обуреваемых./ Приидите вси, сия облобызаяюще,/ того Прославльшаго умолим:// молитвами его, Христе, спаси души наша.

И ныне, глас 6:

и ныне, и присно, и во веки веков. Аминь.

Око сердца моего / воспуцаю к Тебе, Владычице: / не презри малаго моего воздыхания / в час, егда судит Сын Твой миру, // буди ми покров и Помощница.

Молитва святого Симеона Богоприимца

Чтец: Ны́не отпу́щаеши раба́ Твоего́, Влады́ко, / по глаго́лу Твоему́ с ми́ром: / я́ко ви́деста о́чи мой спасе́ние Твое́, / е́же еси́ угото́вал пред ли́це́м всех люде́й, / свет во открове́ние язы́ков, / и сла́ву люде́й Твои́х Изра́иля.

Святы́й Бо́же, Святы́й Кре́пкий, Святы́й Безсме́ртный, поми́луй нас **(трижды)**.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй **(трижды)**.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, И́же еси́ на Небесе́х! Да святі́тся и́мя Твое́, да приі́дет Ца́рствие Твое́, да бу́дет во́ля Твоя́, я́ко на Небеси́, и на землі́. Хлеб наш насу́щный даждь нам днесь; и оста́ви нам до́лги на́ша, я́коже и мы оста́вляем должни́ком на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прісно, и во ве́ки веко́в.

Лик: Ами́нь.

Тропари

Тропарь ап. Петра, глас 4.

Рі́ма не оста́вь, к нам прише́л еси́/ честны́ми вери́гами, я́же носі́л еси́, апо́столов первопресто́льне./ И́мже ве́рою покланя́ющеся, мо́лимся:/ твои́ми к Бо́гу моли́твами// да́руй нам ве́лию ми́лость.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Глас 4: Слово Отчее, Христа Бога нашего, / от Тебе вопло-
тившагося, познахом, Богородице Деве, / еди́на Чистая, /
еди́на Благословенная. // Тем непрестанно Тя, воспеваю-
ще, велича́ем.

Сугубая ектения

Диакон: Помилуй нас, Бо́же, по вели́цей мило́сти Твое́й, мо́лим Ти ся,
услы́ши и помилуй.

Лик: Го́споди, помилуй (*трижды*).

Диакон: Ещё мо́лимся о Вели́ком Госпо́дине и Отце́ на́шем Святе́йшем Патри́архе Кири́лле, и всей
во Христе́ бра́тии на́шей.

Лик: Го́споди, помилуй (*трижды*). (*на каждое прошение*)

Священник: Яко́ Милостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свя-
то́му Ду́ху, ны́не и прісно и во ве́ки веко́в.

Лик: Ами́нь.

Диакон: Премудро́сть.

Лик: Благосло́ві.

Священник: Сый благосло́вен Христос́ Бог наш, всегда́, ны́не и прісно и во
ве́ки веко́в.

Лик: Ами́нь. Утверди́, Бо́же, / святу́ю правосла́вную ве́ру,
правосла́вных христиа́н / во век ве́ка.

Священник: Пресвята́я Богороди́це, спаси́ нас.

Лик: Честне́йшую Херуві́м и сла́внейшую без сравне́ния
Серафі́м, без ислéния Бо́га Сло́ва ро́ждшую, су́щую Бо-
городи́цу Тя велича́ем.

Священник: Сла́ва Тебе́, Христе́ Бо́же, упова́ние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прісно и
во ве́ки веко́в. Ами́нь. Го́споди, помилуй (*трижды*). Благо-
сло́ві. (илиВлыды́ко, благослови)

29 января 2026. Поклонение честным веригам ап. Петра

Священник глаголет Отпуст

Христос Истинный Бог наш, молитвами Пречистой Своей Матере, святых славных и всехвальных Апостол, иже во святых отца нашего Николая, архиепископа Мир Ликийских, Чудотворца, ап. Петра, святых праведных Богоотца Иоакима и Анны, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святэйшаго Патриарха Московскаго и всея Руси, / богохранимую страну нашу Российскую, / настоятеля, братию и прихожан святого храма сего, / и вся православныя христианы, // Господи, сохрани их на многая лета.